

URDHËR
Nr. 136, datë 27.4.2020

**PËR MIRATIMIN E KODIT TË ETIKËS PROFESIONALE TË PËRMBARUESIT
GJYQËSOR PRIVAT**

Në mbështetje të nenit 102, pika 4, të Kushtetutës, të nenit 7, pika 2, të ligjit nr. 8678, datë 14.5.2001, “Për organizimin dhe funksionimin e Ministrisë së Drejtësisë”, të ndryshuar, të nenit 14, germa “c”, të ligjit nr. 26/2019, “Për shërbimin përmbarrimor gjyqësor privat”,

URDHËROJ:

Miratimin e Kodit të Etikës Profesionale të Përmbarruesit Gjyqësor Privat, sipas tekstit të shtojcës nr. 1, bashkëlidhur këtij urdhri dhe pjesë përbërëse e tij.

Ngarkohet Drejtoria e Përgjithshme Rregullatore e Çështjeve të Drejtësisë në Ministrinë e Drejtësisë, Dhoma Kombëtare e Përmbarruesve Gjyqësorë Privatë, si dhe përmbarruesit gjyqësorë privatë/zyrat e përmbarrimit privat për ndjekjen dhe zbatimin e këtij urdhri.

Ngarkohet Sektori i Arkiv-Protokollit për marrjen e masave për njoftimin e këtij urdhri.

Ky urdhër hyn në fuqi menjëherë dhe botohet në Fletoren Zyrtare.

MINISTËR I DREJTËSISË
Etilda Gjonaj (Saliu)

KODI I ETIKËS PROFESIONALE TË PËRMBARUESIT GJYQËSOR PRIVAT

Kreu I
Të përgjithshme

Neni 1
Qëllimi

Kodi përcakton standardet dhe rregullat e etikës profesionale në ushtrimin e profesionit dhe veprimtarisë përmbarrimore në shërbim të interesave të ligjshme të personave fizikë e juridikë; rregullat mbi të drejtat dhe përgjegjësitë profesionale të përmbarruesit gjyqësor privat gjatë ushtrimit të veprimtarisë përmbarrimore; të drejtat dhe detyrimet e përmbarruesit gjyqësor privat në marrëdhënie me klientët, kolegët dhe strukturat organizative të Dhomës Kombëtare të Përmbarruesve Gjyqësor Privat, bazuar në legjislacionin në fuqi dhe në parimet e shtetit të së drejtës.

Neni 2
Baza ligjore

Kodi bazohet në Kushtetutën e Republikës së Shqipërisë, ligjin nr. 26/2019 “Për shërbimin përmbarrimor privat”, Statutin e Dhomës Kombëtare të Përmbarruesve Gjyqësorë Privatë, aktet ligjore e nënligjore në fushën e përmbarrimit gjyqësor privat, si dhe në zakonet e mira të përmbarrimit gjyqësor privat shqiptar.

Dispozitat e këtij Kodi mbështesin, respektojnë dhe sigurojnë pajtueshmërinë me normat që rregullojnë profesionin dhe veprimtarinë e përmbarruesit gjyqësor privat të sanksionuara në ligjin nr. 26/2019 “Për shërbimin përmbarrimor privat” dhe Statutin e Dhomës Kombëtare të Përmbarruesve Gjyqësorë Privatë.

Neni 3
Fusha e Zbatimit

Kodi zbatohet në të gjithë territorin, ku shtrin veprimtarinë e saj Dhoma Kombëtare e Përmbauesve Gjyqësorë Privatë dhe është i detyrueshëm për çdo përmbaues gjyqësor privat, ndihmës përmbaues gjyqësor privat dhe përmbaues gjyqësor privat zëvendësues.

Neni 4

Statusi i përmbauesit gjyqësor privat

1. Përmbauesi gjyqësor privat është zyrtar publik, jurist, i cili ushtron funksionin e tij publik në kuadër të një profesioni të pavarur dhe të rregulluar me ligj.
2. Përmbauesit gjyqësor privat, gjatë ushtrimit të veprimtarisë së tij përmbaimore, i nënshtrohet vetëm ligjit dhe akteve të nxjerra në bazë dhe për zbatim të tij.
3. Përmbauesi gjyqësor privat gjithnjë duhet të ruajë dinjitetin e profesionit dhe detyrimisht mban të ekspozuara në zyrën e tij.
 - Certifikatën profesionale;
 - Flamurin shqiptar dhe atë të Dhomës së Përmbauesve, në tavolinën e punës.

Kreu II

Parimet dhe përgjegjësitë në ushtrimin e profesionit

Neni 5

Parimet e përgjithshme në ushtrimin e profesionit

1. Përmbauesi gjyqësor privat dhe zyrat e përmbaimit gjyqësor privat, në ushtrimin e detyrave të tyre i nënshtrohen zbatimit të Kushtetutës, Kodit të Procedurës Civile, Kodit Civil, ligjit nr. 26/2019 “Për shërbimin përmbaimore gjyqësor privat”, ligjeve dhe akteve nënligjore në fuqi, si dhe në zakonet e mira të përmbaimit gjyqësor shqiptar, duke ruajtur standardet më të larta profesionale.
2. Përmbauesi gjyqësor privat duhet të ketë integritet të lartë personal dhe profesional, të veprjë me ndershmëri, drejtësi, kujdes dhe përkushtim.
3. Përmbauesi gjyqësor privat duhet të shmangë çdo sjellje të papërshtatshme, që bie në kundërshtim me ligjin dhe këtë kod, si edhe ato veprime që mund të dëmtojnë ose të krijojnë dyshime mbi figurën e tij profesionale dhe morale.
4. Përmbauesi gjyqësor privat, në ushtrim të kompetencave të tij, duhet të tregohet objektiv, i pavarur, i paanshëm dhe i ndërgjegjshëm për detyrimet etike e profesionale. Paanshmëria, ndershmëria dhe pavarësia.
5. Përmbauesi gjyqësor privat duhet të shmangë çdo veprim, mosveprim arbitrar apo çdo trajtim preferencial, si dhe të jetë i pandikuar nga çdo interes tjetër, personal, politik, familjar dhe shoqëror.
6. Përmbauesi gjyqësor privat duhet të shmangë, në çdo rast, diskriminimin për shkak të racës, gjinisë, besimit fetar, etnisë, ose çdo lloj diskriminimi tjetër.
7. Përmbauesi gjyqësor privat duhet të refuzojë korrupsionin, marrëveshjet e fshehta dhe çdo veprim tjetër që dëmton klientin, ose që dukshëm është i dëmshëm për njërin nga palët.
8. Përmbauesi gjyqësor privat ushtron veprimtarinë e tij me përgjegjshmëri profesionale dhe me detyrimin e informimit të klientit mbi çdo veprim që është duke kryer.
9. Përmbauesi gjyqësor privat duhet të hartojë aktet përmbaimore në mënyrë të qartë dhe të pastër, sipas rregullave të parashikuara në ligj.
10. Përmbauesi gjyqësor privat refuzon bindjen me dhunë, praktikat e pandershme, evazionin tatimor, pastrimin e parave, financimin e terrorizmit, dhe çdo lloj aktiviteti tjetër kriminal.

Neni 6

Parimi i konfidencialitetit dhe sekretit profesional

1. Përmbauesi gjyqësor privat dhe përmbauesi gjyqësor privat zëvendësues duhet të respektojnë të drejtën e konfidencialitetit të klientëve dhe të personave të interesuar.
2. Përmbauesi gjyqësor privat, gjatë ushtrimit të veprimtarisë duhet të mbajë një qëndrim të paanshëm, të ruajë një pozicion etik në lidhje me interesat e klientit/palëve, duke vendosur një disiplinë që garanton siguri dhe besim për ta.

3. Sekreti profesional nuk është absolut, ai është në varësi të interesit të përgjithshëm dhe të së mirës së përbashkët, pasi përmbaruesi gjyqësor privat do duhet të tregojë përmbajtjen e arkivave të tij vetëm në procedurat e përcaktuara me ligj.

4. Përmbaruesi gjyqësor privat duhet të marrë parasysh të drejtat ose interesat legjitime të klientit, ose palëve që kërkojnë qasje në arkivat e tyre dhe jep informacion në përputhje me ligjin “Për shërbimin përmbarimor privat” dhe akteve të tjera ligjore në fuqi.

Neni 7

Përgjegjësitë në ushtrimin e profesionit

1. Përmbaruesi gjyqësor privat është përgjegjës ndaj klientit/palëve që u shërben. Ai duhet të ushtrojë kujdesin e duhur profesional për identifikimin e të gjithë mbajtësve të ligjshëm të të drejtave, duke u shpjeguar atyre të drejtat dhe detyrimet që burojnë nga veprimet e tij, duke i këshilluar në lidhje me pasojat juridike, në lidhje me të drejtat dhe interesat e tyre.

2. Gjatë hartimit të akteve përmbarimore, përmbaruesi gjyqësor privat pasqyron dhe vërteton vullnetin e ligjshëm të klientit/palëve, deklaratat dhe faktet e paraqitura prej tyre.

3. Përmbaruesi gjyqësor privat duhet të ushtrojë funksionin e tij në mënyrë korrekte dhe brenda kompetencave lëndore dhe territoriale, të përcaktuara në ligjin “Për shërbimin përmbarimor privat”.

4. Përmbaruesi gjyqësor privat është përgjegjës për pagesën e detyrimeve që rrjedhin nga veprimtaria përmbarimore, të përcaktuara nga Dhoma Kombëtare e Përmbaruesve Gjyqësorë Privatë.

Kreu III

Shërbimi përmbarimor

Neni 8

Refuzimi në dhënien e shërbimit përmbarimor

1. Në cilësinë e zyrtarit publik, përmbaruesi gjyqësor privat refuzon kryerjen e veprimeve për ekzekutimin e një titulli ekzekutiv vetëm në rastet e mëposhtme:

a) Kur veprimi është në kundërshtim me ligjin ose rendin publik.

b) Kur konstaton që dokumentacioni i paraqitur nga kërkuesi nuk është i plotë, objekti ose përmbajtja e tij është në kundërshtim me ligjin dhe parimet e përgjithshme të së drejtës.

Neni 9

Zyra përmbarimore

1. Zyra përmbarimore organizohet në mënyrë të pavarur dhe është nën përgjegjësinë e përmbaruesit gjyqësor privat.

2. Zyra duhet të ketë kushtet e nevojshme për zhvillimin e veprimtarisë përmbarimore, sipas udhëzimeve përkatëse.

Neni 10

Paraqitja e përmbaruesit gjyqësor privat

Përmbaruesi gjyqësor privat duhet të paraqitet me një veshje formale, dhe të mbajë të ekspozuar në mënyrë të dukshme dokumentin e identifikimit i cila prezanton funksionin publik që ai ushtron.

Neni 11

Regjistrat e çështjeve përmbarimore

1. Regjistrat e çështjeve përmbarimore, dokumentet dhe arkivat, administrohen nga përmbaruesit gjyqësor privat dhe janë objekt i konfidencialitetit dhe fshehtësisë profesionale.

Neni 12
Mjetet teknologjike

Zyra e përmbauesit gjyqësor privat duhet të jetë e pajisur me mjete teknologjike dhe materialet e nevojshme për ushtrimin e veprimtarisë.

Neni 13
Veprimtaria përmbaimore

1. Veprimtaria përmbaimore ushtrohet në mënyrë personale dhe të pavarur nga çdo përmbaues gjyqësor privat/përmbaues gjyqësor privat zëvendësues të cilët janë të pajisur me licencën individuale të ushtrimit të veprimtarisë përmbaimore, nën përgjegjësinë individuale të tyre.

2. Përmbauesi gjyqësor privat, gjatë ushtrimit të veprimtarisë së tij, i nënshtrohet inspektimeve dhe kontroleve të bëra nga Ministria e Drejtësisë dhe/ose nga organet e Dhomës, sipas përcaktimeve në ligjin “Për shërbimin përmbaimor privat”.

Neni 14
Anëtarësia

1. Përmbauesi gjyqësor privat i licencuar dhe i regjistruar në regjistrat e përmbauesve gjyqësor privat është anëtar i Dhomës Kombëtare të Përmbauesve Gjyqësorë Privatë.

2. Përmbauesi gjyqësor privat/përmbaues gjyqësor privat zëvendësues mund të jetë edhe anëtar i shoqatave profesionale në fushën e përmbaimit.

Kreu IV
Përgjegjësitë, marrëdhënia me kolegët dhe bashkëpunimi institucional

Neni 15
Marrëdhëniet e përmbauesit gjyqësor privat me kolegët

1. Në marrëdhëniet me kolegët përmbauesi gjyqësor privat, duhet të veprojë në përputhje me parimet e bashkëpunimit të drejtësisë dhe solidaritetit.

2. Sjellja e një përmbauesi gjyqësor privat kundrejt kolegëve të tij duhet të jetë etike, si dhe të ketë për qëllim bashkëpunimin, unitetin dhe solidaritetin, duke nxitur shkëmbimin e mbështetjes, shërbimeve dhe këshillave.

3. Konfliktet ndërmjet përmbauesve gjyqësorë privatë në lidhje me ushtrimin e veprimtarisë profesionale përmbaimore rregullohen, për aq sa është e mundur, nga Dhoma Kombëtare e Përmbauesve Gjyqësor Privat. Përmbauesi gjyqësor privat mund të kërkojë, në çdo rast të nevojshëm ndërhyrjen e saj.

Neni 16
Bashkëpunimi me sistemin gjyqësor

1. Dhoma Kombëtare e Përmbauesve Gjyqësorë Privatë, si organ përfaqësues i të gjithë përmbauesve gjyqësorë privatë të Shqipërisë, bashkëpunon me autoritetet gjyqësore në përmbushjen e funksionit të saj publik dhe në kuadër të kompetencave të caktuara me ligj, me qëllim përmirësimin dhe zhvillimin e zbatimit të drejtësisë dhe paqes sociale.

2. Përmbauesi gjyqësor privat, si praktikues i ligjit, i ngarkuar me autoritetin e nevojshëm publik, bashkëpunon me autoritetet gjyqësore në përmbushjen e funksionit të tij dhe në kuadër të kompetencave të caktuara nga ky Kod, si dhe nga aktet e tjera ligjore dhe nënligjore, me qëllim zbatimin e drejtësisë dhe paqes sociale.

Neni 17
Konflikti i interesit

1. Përmbauesi gjyqësor privat është i detyruar të mos pranojë kërkesën për vënie në ekzekutim ose të heqë dorë nga ekzekutimi kur ky ka filluar, nëse ai ka marrë dënimin ose duhet të kishte marrë dënimin për ekzistencën e një shkakut, që tregon një konflikt interesi, kur:

- a) ka një interes personal, të lidhur në mënyrë të drejtpërdrejtë me të apo të afërmit e tij deri në shkallën e dytë, në çështjen për të cilën kërkohet ose ka filluar ekzekutimi;
- b) përmbauesi gjyqësor privat është kujdestar apo përfaqësues i njëres prej palëve në proces ekzekutimi;
- c) ai vetë, bashkëshorti/ja ose të afërmit e tij deri në shkallën e dytë janë në konflikt gjyqësor, në marrëdhënie kredie ose huaje me njërin prej palëve në proces ekzekutimi;
- ç) ekziston një arsye serioze dhe e mjaftueshme që tregon një situatë konflikti interesi.

Neni 18
Bashkëpunimi me institucionet publike, private dhe organizatat e tjera

1. Përmbauesi gjyqësor privat, pa cenuar detyrën e tij të ruajtjes së fshehtësisë profesionale, bashkëpunon me institucionet dhe agjencitë shtetërore për funksionet e deleguara dhe në kuadër të kornizës së marrëdhënieve zyrtare të lidhura me fushëveprimin e tij.

2. Përmbauesi gjyqësor privat bashkëpunon me institucionet dhe agjencitë e tjera publike dhe private, kur një gjë e tillë është pjesë e ushtrimit të autoritetit publik, në pajtim me detyrat e lidhura me funksionin e tij dhe duke u siguruar se edhe ata, me të cilët bashkëpunon, janë në pajtim me këto detyra.

3. Përmbauesi gjyqësor privat duhet të reflektojë një sjellje etike profesionale gjatë komunikimeve me institucionet publike ose private ose përfaqësuesit e tyre.

Kreu IV
Shkeljet dhe masat disiplinore

Neni 19
Shkeljet dhe masat disiplinore

1. Masat disiplinore për shkeljet e këtij Kodi janë ato të parashikuara në ligjin nr. 26/2019 “Për shërbimin përmbauesor privat”, në nenin përkatës të masave disiplinore.

2. Ky Kod rregullon dhe sanksionon shkeljet deontologjike brenda profesionit të përmbauesit gjyqësor privat, pa cenuar sanksionet për shkelje të rregullave materiale ose rregullave të një natyre tjetër (civile, penale, administrative) të kryer nga përmbauesi gjyqësor privat.

Kreu V
Dispozitat përfundimtare

Neni 20
Ndryshimet

Kodi hartohet dhe ndryshohet në përputhje me ligjin “Për shërbimin përmbauesor privat”.
Kodi i etikës botohet në faqen zyrtare të Dhomës Kombëtare të Përmbauesve Gjyqësorë Privatë.